

NUMAX NA ESCOLA 2025/2026



A lingua das bolboretas (José Luis Cuerda, 1999)

EDUCACIÓN SECUNDARIA E BACHARELATO

NUMAX na Escola renova a súa oferta de proxeccións educativas para os cursos de secundaria e bacharelato cun catálogo repleto de obras de prestixio internacional adaptado aos currículos educativos vixentes.

- 📖 Cada sesión vai acompañada de **materiais didácticos** (unidades, actividades, making of) que faciliten o traballo na aula antes e despois da proxección.
- 🔊 O día da sesión haberá unha **presentación en sala** a cargo de persoal especializado de NUMAX.
- 🕒 **Horario:** De **luns a venres** en sesión matinal, preferentemente de **10:00 a 12:00** horas.
- 💰 **Prezo:** **4€ por alumna/o**, a tarifa mínima do Cinema NUMAX.
- 👥 Estas condicións serán válidas para grupos mínimos de 40 estudantes.

🌐 numax.org/na-escola
✉ escola@numax.org
☎ 663 975 767 (Xan Gómez Viñas)

Arte, cinema e literatura



LA GUITARRA FLAMENCA DE YERAI CORTÉS (NI)

C. Tangana, 91 min, Español, VO
Cando Antón Álvarez, máis coñecido como C.Tangana, coñece a Yeraí Cortés fica fascinado co seu talento e intrigado pola súa historia familiar. Xuntos deciden emprender unha viaxe para gravar un disco. Opera prima do popular músico C. Tangana, premiado con 2 Goyas.

🏠 Industrias culturais / Flamenco

POR TODO O ALTO (NI)

Emmanuel Courcol, 103 min, Francés, VOSE
Thibaut é un célebre director de orquestra que viaxa polo mundo. Ao saber que é adoptado, descobre a existencia dun irmán, Jimmy, empregado dun comedor que toca o trombón nunha banda municipal. Un canto ao amor fraternal e á paixón pola música.

🏠 Bandas municipais / Fraternidade

A LOS LIBROS Y A LAS MUJERES CANTO

Maria Elorza, 72 min, Español, VO

Unha muller case foi chamada Avioneta. Outra tivo unha biblioteca no asento traseiro do seu coche. Outra mancou un dedo cos andeís rebeldes da súa librería. Un exército anónimo de mulleres coida dos libros. É unha resistencia íntima, sen épica, sen armas.

🏠 Tags: Lectura / Feminismo

O PRINCIPIÑO

M. Osborne, 2015, 106 min, Francés/Inglés, VOSG

Fantástica aproximación ao clásico de Saint-Exupéry. Unha obra visualmente asombrosa que mestura con mestría animación 3D e a artesanal técnica do *stop-motion*.

🏠 Mellor Filme Premios Annie / Sección Oficial Cannes

🏠 Espírito de superación / Autocoñecemento
O valor das pequenas cousas

DOROTHÉ NA VILA

Alejandro Gándara, Olaia Tubío, 85 min, Galego, VO

A musicóloga suíza Dorothé Schubarth chegou a Galicia a finais dos 70 na busca de cancións tradicionais que desaparecieran no centro de Europa. Desta busca saíron as 300 horas de gravacións que forman o *Cancioneiro Popular Galego*.

🏠 Cancioneiro Popular Galego / Memoria / Historia de Galicia

Educación en igualdade



TE ESTOY AMANDO LOCAMENTE

Alejandro Marín, 107 min, Español, VO

Sevilla, 1977. Nun momento no que a homosexualidade é delito, Reme, unha nai tradicional movida polo amor cara ao seu fillo, un adolescente aspirante a artista, involucrase no movemento LGTBI andaluz, xestado paradoxalmente no seo da igrexa.

🏠 Orgullo LGTBI

20.000 ESPECIES DE ABEJAS

Estibaliz Urresola Solaguren, 129 min, Español, Éuscaro e Francés, VOSE

Cocó, de oito anos, non encaixa nas expectativas do resto e non entende por que. Todos ao seu redor insisten en chamarlle Aitor pero non se reconece nese nome nin na mirada dos demais.

🏠 Diversidade de xénero / Autocoñecemento

PRIDE (ORGULLO)

Matthew Warchus, 120 min, Inglés, VOSE

Sendo primeira ministra Margaret Thatcher, o Sindicato Nacional de Mineiros convoca unha folga. Durante a manifestación do Orgullo Gay en Londres, un grupo de lesbianas e gays dedícase a recadar fondos para axudar as familias dos traballadores, pero o sindicato non acepta o diñeiro.

🏠 Dereitos LGTBI / Sindicalismo

GIRLHOOD

Céline Sciamma, 112 min, Francés, VOSG

Marieme séntese agobiada pola súa familia, a escola e a implacábel lei dos rapaces do barrio, nas aforas de París. Pero a súa vida muda cando coñece un grupo de mozas de espírito libre.

🏠 4 Nominacións Premios César

🏠 Multiculturalidade / Violencia de xénero

SUFRAXISTAS

Sarah Gravron, 106 min, Inglés, VOSE

Inglaterra, comezos do século XX. Maud é unha traballadora do téxtil que comeza a militar de xeito activo no histórico movemento sufraxista.

🏠 Mellor Deseño de Producción
Premios Cinema Europeo

🏠 Sufraxismo / Feminismo

Historia e presente



A HISTORIA DE SOULEYMANE (NI)

Boris Lojkine, 92 min, Francés, VOSE

Mentres pedalea polas rúas de París para repartir comidas, Souleymane repite as súas historias. En dous días ten que pasar a entrevista de solicitude de asilo, a clave para obter papeis. Pero Souleymane non está preparado.

🏠 Precariedade laboral / Inmigración

EL MAESTRO QUE PROMETIÓ EL MAR

Patricia Font, 105 min, Español, VO

Ariadna descubre que o seu avó busca desde hai tempo os restos de seu pai, desaparecido na Guerra Civil. Para axudalo, viaxa a Burgos, onde están a exhumar unha foxa común na que podería estar enterrado. Alí coñece a historia de Antoni Benaiges, un anovador mestre republicano.

🏠 Guerra Civil / Memoria histórica

UN SACO DE BÓLAS

Christian Duguay, 100 min, Francés, VOSG

Durante a ocupación nazi en Francia, Maurice e Joseph, dous irmáns xudeus, deben abandonar a súa familia para se salvar. Adaptación do clásico da literatura xuvenil de Joseph Joffo.

🏠 Premio Educacine Barcelona Film Fest
Segunda Guerra Mundial / Antisemitismo

A LINGUA DAS BOLBORETAS (NI)

José Luis Cuerda, 97 min, Español, VO

Durante a Segunda República, nunha aldea de Galicia, don Gregorio ensina o pequeno Moncho toda a súa sabedoría e coñecementos de literatura, natureza e a vida en xeral. Porén, a ameaza fascista paira sobre a aldea e sinala o progresista don Gregorio. Adaptación de Rafael Azcona a partir de tres relatos de *Que me queres amor?* de Manuel Rivas.

🏠 Guerra Civil / Ensino / Adaptación literaria

EL 47 (NI)

Marcel Barrena, 110 min, Catalán / Español, VOSE

El 47 conta a historia real dun acto de disidencia pacífica e o movemento veciñal de base que en 1978 transformou Barcelona. O condutor Manolo Vital apoderouse do autobús da liña 47 para desmontar unha mentira que o Concello non paraba de repetir: os autobuses non podían subir as costas do distrito de Torre Baró.

🏠 Disidencia pacífica / Movementsos sociais

KARL MARX DE MOZO

Raoul Peck, 112 min, Inglés-Francés-Alemán, VOSG

No París de 1844, tras exilarse, Karl Marx coñece a Friedrich Engels. Xuntos mudarán a historia política do movemento obreiro coa publicación de *O manifesto comunista*.

🏠 Historia política / Filosofía / Comunismo

Adolescencias



A RECEITA PERFECTA (N)

Louise Courvoisier, 90 min, Francés, VOSE

Totone, de 18 anos, pasa a meirande parte do tempo de festa co seu grupo de amigos. Pero a realidade atrápa: ten que coidar da súa irmá de 7 anos e gañar algo de diñeiro. Daquela propónse fabricar o mellor queixo Comté da rexión.

👉 Crecemento / Vida rural / Emprendemento

CLOSE

Lukas Dhont, 105 min, Francés, VOSG

O filme explora a estreita amizade entre dous rapaces de trece anos, Léo e Rémi, en plena transición cara á adolescencia. Tratando de entender o que foi mal entre ambos, Léo buscará consolo e comprensión na nai de Rémi, Sophie.

👉 Amizade / Acoso escolar

NICKY, A APRENDIZ DE BRUXA

Hayao Miyazaki, 101 min, Xaponés, VOSE / VE

Nicky é unha moza bruxa de 13 anos en período de adestramento, que se divirte voando na súa vasoira xunto a Jiji, un sabio gato negro. Segundo a tradición, todas as bruxas desa idade deben abandonar o seu fogar durante un ano para saber valerse por si mesmas.

👉 Amizade / Responsabilidade / Crecemento

DATING AMBER

David Freyne, 92 min, Inglés, VOSE

En Irlanda, a mediados dos 90, dous adolescentes, Eddie e Amber, finxen unha relación coa intención de que deixen de falar sobre a súa sexualidade.

👉 Diversidade sexual

AS NEVES

Sonia Méndez, 83 min, Galego, VO

As Neves é unha vila galega de montaña onde todos se coñecen. A noite de Entroido un grupo de adolescentes celebran unha festa e dróganse con cogomelos. Ao día seguinte espertan cun temporal de neve e a noticia de que Paula, unha das mozas da festa, desapareceu.

👉 Adolescencia / Redes sociais / Rural galego

Animación



PORCO ROSSO (N)

Hayao Miyazaki, 94 min, Xaponés/Español, VOSE/VE

Porco é un cocheo aviador que frustra todos os actos perpetrados polos piratas aéreos do Adriático. Estes, decididos a acabar co valente e hábil aviador, pónense de acordo para contratar un aventureiro americano cuxa misión será eliminalo. Divertidísima película de aventuras con mensaxe contra os totalitarismos.

👉 Antifascismo / Aviación

FLOW, UN MUNDO QUE SALVAR (N)

Gints Zilbalodis, 83 min, Sen diálogos, VO

Un gato esperta nun mundo cuberto de auga, onde a raza humana parece ter desaparecido. Busca refuxio nun barco cun grupo doutros animais. Pero levarse ben con eles resulta ser un reto aínda maior que superar o seu medo á auga. Oscarizada peza de animación que non precisa da palabra para hipnotizarnos de principio a fin.

👉 Ecoloxismo / Cambio climático

A VIAXE DE CHIHIRO

Hayao Miyazaki, 124 min, Xaponés, VOSE

Chihiro é unha nena que viaxa en coche cos seus pais. Logo de atravesar un túnel chegan a un mundo fantástico, no que só hai lugar para os deuses de primeira e segunda clase.

👉 Oscar Mellor Filme Animación
👉 Obra mestra da animación mundial / A imaxinación ao poder

Cinema galego



ANTES DE NÓS (N)

Ángeles Huerta, 83 min, Galego, VO

En 1918 Alfonso Daniel Rodríguez Castelao regresa a Rianxo para traballar como médico durante a gripe española. Un heroe para o pobo, pero un home ausente para a súa muller, Virxinia. Biopic dunha das figuras máis relevantes da nosa historia recente.

👉 Castelao / Historia de Galicia

ROMERÍA (N)

Carla Simón, 112 min, Español, VO

Marina (18), adoptada moi nova, viaxa a Vigo para encontrarse coa familia do seu pai biolóxico. A súa chegada trae de volta un pasado xa soterrado. Carla Simón foi seleccionada en Cannes con esta persoal viaxe a unha xeración marcada polas drogas e o VIH.

👉 Autoconecemento / Prevención contra as adicións

MATRIA

Álvaro Gago, 99 min, Galego, VO

Ramona é unha muller de corenta anos que vive sumida nun contexto laboral e persoal tenso e impredecible. Un día crúzase con Xosé, un home con quen constrúe unha inusual amizade.

👉 Desigualdade de xénero / Mundo laboral

OS FENÓMENOS (N)

Alfonso Zarauza, 98 min, Galego / Español, VO

Unha muller regresa a Ferrol para traballar de albanal. Malia as burlas iniciais, co seu espírito de traballo logra impoñerse nos andamios. Porén, a crise inmobiliaria pon en perigo os postos de traballo da súa cuadrilla.

👉 Crise inmobiliaria / Educación en igualdade

Desenvolvemento sostíbel



UN PEQUENO PLAN... COMO SALVAR O PLANETA

Louis Garrel, 67 min, Francés, VOSE

Abel e Marianne vense desorientados e confusos cando descubren que o seu fillo adolescente estivo vendendo, ás agachadas, varias pertenzas familiares para financiar un proxecto ecolóxico para salvar o planeta.

👉 Sección oficial BAFICI
👉 Ecoloxismo / Greta Thunberg

Redes sociais e novos medios



UN "LIKE" DE BOB TREVINO (N)

Tracie Laymon, 102', ING, VOSE

Lily Trevino é unha moza insegura e solitaria que vén de ser abandonada por seu pai. Cando decide seguilo en Facebook atopa un perfil co mesmo nome ca el. Así coñece a Bob Trevino, un home que perdeu o seu fillo e co que entabla unha estreita amizade que podería mudar a súa vida para sempre.

👉 Amizade / Redes sociais

Clásicos




UNHA HISTORIA VERDADEIRA (N)

David Lynch, 116 min, Inglés, VOSE

Alvin Straight é un home viúvo de 73 anos que vive coa súa filla Rose. Cando recibe a nova de que o seu irmán, Lyle, co que leva 10 anos sen falar, sufriu un infarto, decide percorrer os 500 quilómetros que os separan co único medio de transporte do que dispón: unha máquina cortacésped.

👉 Baseada en feitos reais / Fraternidade

LIBRARÍA NUMAX




A Librería NUMAX forma parte da cooperativa de traballo asociado sen ánimo de lucro NUMAX S. Coop. Galega, desde onde tentamos dinamizar a nosa contorna cultural. Colaboras connosco?

- 📖 Orientación e selección de itinerarios bibliográficos temáticos para bibliotecas
- 🔊 Servizo de novidades editoriais
- 🎬 Selección e escolla de DVDs e Blu-Rays
- 👥 Asesoramento profesional e personalizado para a elección de libros de clubs de lectura
- 👁️ Posibilidade de realizar visitas organizadas á librería con acompañamento e guía das traballadoras
- ★ **10% de desconto en compras de centros educativos.** Contáctanos para facer os teus pedidos de libros, audiovisuais ou visitas no correo electrónico libreria@numax.org

Itinerarios

TEMÁTICA SOCIAL

 Eu son Suleiman Antonio Lozano (FACTORÍA K)	 Cartas na escuridade Lois Pérez (CUARTO DE INVIERNO)	 Yo capitán Seydou Sarr (KARMA FILMS)	 A illa das mentiras Paula Cons (AGALLAS FILMS)
 Hermanito Ibrahim Balde Amets e Arzallus Antia (BLACKIE BOOKS)	 El ojo del lobo Daniel Pennac e Mathieu Sapin (ASTIBERRI)	 O rapaz e a garza Hayao Miyazaki (ESTUDIO GHIBLI)	 Orlando Sally Potter (ÉDITIONS MONTPARNASSE)

NUMAX

NUMAX, S. Coop. Galega
Concepción Arenal, 9, baixo
Santiago de Compostela
T. 981 560 250 | www.numax.org
libreria@numax.org

Desde 2019 NUMAX conta coa distinción Selo de **Librerías de Calidad**, certificación que outorga Acción Cultural Española (AC/E) e a Asociación de Cámaras do Libro de España.

Premio da Federación de Librerías de Galicia 2022

